

左
通
補
釋

補釋十三

起成公元年盡十年

左通一

錢塘梁履繩學

成元單襄公解王卿士

單襄公王卿士單朝也

國語周語中注

或云單伯曾孫

大事表十二上

案單伯見莊元年經襄公定是其後而杜氏世族譜云襄公單伯之子愚疑父子相去不當至百許年之久當是單伯之子若孫亦稱單伯猶之趙氏世稱孟智氏世稱伯也

本詩節南山正義

山正義

遂伐茅戎三月癸未敗績于徐吾氏

解茅戎戎別種徐吾氏

茅戎之別也

正義

徐吾又是茅戎之內聚落之名

水經

河水

注大陽縣有茅亭故茅戎邑也括地志茅城在

河北縣西二十里今之平陸縣界

案縣屬山西解州

此晉邑也

卽文

三年之

蓋戎人亦附晉邑以居

春秋地名攷略十三

盟于赤棘

解晉地

十二年晉及楚盟于赤棘卽此所在未詳

高岱春秋地名攷補

成

二圉龍解龍魯邑在泰山博縣西南

張雲璠曰今山東泰安府泰安縣東南五十里有龍鄉城案水經注汶水西南逕龍鄉故城南今大汶口東十餘里有城基俗云鄉城是也

盧蒲就魁

盧蒲氏姜姓齊桓公之後左傳齊有盧蒲就魁盧蒲癸

襄

五盧蒲癸

襄廿七通志氏族略五

殺而膊諸城上解膊磔也

謂磔人如膊脯

賈昌朝羣經音辨二案說文膊字繫傳云今謂作脯爲膊脯

石稷解石碯四世孫

祁子子稷

成子春秋分記世譜三

甯相解甯俞子

甯相成子

杜氏世族譜

次于鞠居解衛地

後漢志封丘有鞠亭卽古鞠居也封丘縣今屬河南開封

府大事表

七之二

新築人解新築衛地

今直隸魏縣南有新築城

日講春秋解義三十一案魏縣今省入大名府大名縣

請曲縣解軒縣也云云

左氏傳注云諸侯軒縣闕南方形如車輿是曲也周禮春官小胥

無能爲役解不中爲之役使

少儀謂之社稷之役猶言社稷之臣役謂僕役左傳云無能爲役不曰臣而曰役謙辭也吳澄禮記纂言三

師從齊師于莘解莘齊地

桓十六年衛公子伋使于齊盜待諸莘或謂卽此今之莘縣也案縣屬山東東昌府蒙上文晉師自衛來理亦相近但杜注一

云衛地一云齊地豈莘地原跨兩境齊衛皆得有之乎攷是役齊侯親逆晉師而莘去葦四百餘里旣遇于境上卽

當遏勿使進何爲不戰引退縱敵深入四百餘里至鞏而始戰也由是推之莘亦當爲近鞏之地耳

春秋地名攷略三

六月壬申師至于靡笄之下解靡笄山名

靡如字靡笄山名在濟南與代地摩笄山不同也

案摩笄山本在

春秋後見戰國燕策

史記齊系家索隱

靡笄山在今山東濟南府治歷城縣

南十里

大事表八上

別詳臆說

癸酉師陳于鞏解齊地穀梁曰鞏去齊五百里

秀水徐善敬可爲人撰左傳地名訖問余成二年鞏之戰杜注止云齊地穀梁傳則云鞏去國五百里恐非以下文有華不注山山下有華泉證之鞏似去此不遠當屬今歷城縣地余曰通典濟州平陰縣注云左傳齊晉戰鞏故城

在縣東

括地志寰宇記同

蓋唐世鞏故城尚存故杜以爲據余意

鞏在今平陰東五十里其去華不注山亦一百三四十里朝戰於鞏勝而逐之一百三四十里之山下且三周焉

晉人之餘勇眞可賈哉齊奚足云蓋古駟駕一車車僅三人御復得其法故取道致遠而氣力有餘今人不明乎此

徒以平陰屬東平

案今並屬泰安府

歷城屬濟南中隔長清縣境

案縣屬濟南府

如是其遠豈能一日通作戰場所以見通典亦未

知信與

潛丘劄記三

鞏之戰自鞏至華不注山一日行一百三

四十里且三周其山焉引曹操追先主於當陽長阪一日

一夜行三百餘里可謂神速今讀夏侯淵傳注引魏書曰

淵爲將赴急疾常出敵之不意故軍中爲之語曰典軍校

尉夏侯淵三日五百六日一千三日五百是一日行一百

七十里則晉人自鞏戰起勝而逐齊師三周華不注華不

注一小山三周之不多時也可爲妙證

潛丘劄記五

鞏有二成

二年戰于鞏是齊地哀十四年益鞏七邑是宋地

春秋分記疆理

書十

案錢學士大昕云傳文祇有壬申請戰癸酉陳師

傳既有滅此朝食之文則晉之敗齊師必於此日矣自逐

之三周華不注以下至從徐關入皆不書自古人車戰師

行日三十里卽逐利遄行亦必無一日行百四五十里之

事百詩乃引曹公與夏侯淵事證之斯不倫矣穀梁云鞏

去齊五百里指齊都臨淄而言歷城非齊都亦不必疑其

道里之不合愚恐讀傳者爲百詩之說所誤故并駁語存

之

邴夏

或云邴夏邴歆之子案歆于文十八年與弑齊懿公出奔其子必不畱齊疑夏是其族通志氏族略三云齊有邴邑而有邴氏則邴師襄廿五邴意茲定十三蓋皆其後也萬氏氏族略

逢丑父

逢氏商諸侯封於齊土至商周之間有蒲姑氏代之其地在今臨淄齊大夫有逢丑父通志氏族略二

晉解張解張侯解張也

晉有解張字張侯自此晉國世有張氏則因張侯之字以命氏可無疑也氏族略三周宣王時有卿士張仲其後裔事晉

爲大夫張侯生老

成十八

老生趨

昭三趨生髀襄廿四又

至三

卿分晉張氏仕韓韓相張開地生平凡相五君平生良字

子房

唐書宰相世系表二下

案晉有解揚解狐疑解張亦共族固

以邑爲氏者侯其名張其字遂以張命氏鄭略謂張字張侯則直以名爲氏且古人之字從未有如今人命字重名者也唐表張仲之說亦傳會其所列世次注疏無文而襄十六年有張君臣杜云張老子表不之及何也哀五年有張桺朔其世系無攷餘詳襄廿四年

鄭上緩

鄭上氏緩名故下傳單稱緩

萬氏氏族略

不介馬而馳之解介甲也

詩曰駟介旁旁又曰伐駟孔羣左傳曰不介馬而馳之鄭氏曰伐淺金也秦人以淺金介馬古或用革與否不可攷

也禮書百十六

師之耳目在吾旗鼓進退從之

孫子引軍政曰言不相聞故爲之金鼓視不相見故爲之旌旗夫金鼓旌旗所以一人之耳目也人既專一則勇者不得獨進怯者不得獨退此用衆之法也惠氏補注三

擐甲解擐貫也

擐貫著也淮南要略注

三周華不注解華不注山名

華不注山單椒秀澤不連丘陵以自高虎可榮立孤峯特

拔以刺天青崖翠發望同點黛山下有華泉

水經濟水二注華不

注一名華山在歷城縣東北十五里

案縣今屬山東濟南府李吉甫元和郡

志縣

綦母張解晉大夫

複姓左傳晉大夫綦母張

廣韻母字注案通志氏族略五同

韓厥俛定其右解俛俯也

文選運命論注引作俛俯伏也

俛伏也青州謂伏爲俛也

淮南時則訓注

將及華泉

京相璠春秋土地名曰華泉華不注山下泉水也卽華水

也北絕聽瀆二十里注於濟

水經濟水二注

鄭周父御佐車解佐車副車

戎車之貳曰佐

禮記檀弓上注

案周禮戎僕掌倅車之政道僕掌

貳車之政田僕掌佐車之政則戎車之貳曰倅此云佐者

周禮相對爲文有異若散而言之則田獵兵戎俱是武事

故同稱佐車少儀注戎獵之副曰佐是也能氏以爲此皆

諸侯法

又正義

狄卒皆抽戈楯冒之

楯今之旁排也

後漢書袁紹傳注

遂自徐關入

齊徐關在山東濟南府淄川縣西

春秋輿圖

案日知錄

邑舍弟詩徐關深水府送舍弟穎赴齊州詩徐關東海西

徐關在齊境今不可攷左傳成公二年齊侯自徐關入十

七年齊侯與國佐盟于徐關而復之

予之石窳解邑名濟北盧縣東有地名石窳

濟北國盧左傳成二年封銳司徒女石窳

續漢書郡國志三注

石窳

在濟南府長清縣東南三十里

春秋與圖

案婦人封邑當自

此始攷藝文類聚封爵部太平御覽封建部五婦人封門俱載此傳而解者謂予辟司徒地以褒其妻失傳意矣然自婦人有封邑至漢而遂封侯爵豈非春秋之亂制有以開之與

入自丘與擊馬陘解丘與馬陘皆齊邑

丘與當在今山東青州府治益都縣界

大事表七之一

成公二年

晉師入自丘與注云齊邑三年鄭師禦晉敗諸丘與注云鄭地哀公十四年阮氏葬諸丘與又是魯地是三丘與爲

三國地也

日知錄西

馬陜在益都縣西南晉永嘉中曹嶷爲刺

史于縣西四里築城有大澗甚廣固因謂之廣固南燕慕

容德都之潘聰曰廣固曹嶷所營山川阻峻足爲帝王之

都城側有五龍口險阻難攻石虎慕容恪劉裕攻圍必塞

五龍口乃拔

大事表九

案馬陜史記作馬陵高氏攷略遂以

地有二名愚謂陜陵聲近而譌馬陵自是衛地見七年

必以蕭同叔子爲質解同叔蕭君之字齊侯外祖父子女也

干寶曰蕭同叔子惠公之妾頃公之母

本搜神記惠氏補注三

先王疆理天下解疆界也理正也

先王疆理天下謂地勢縱橫之宜也

文選左太冲蜀都賦劉淵林注

五伯之霸也解夏伯昆吾商伯大彭豕韋周伯齊桓晉文釋

文或曰齊桓晉文宋襄秦穆楚莊

五伯之稱有二有三代之五伯有春秋之五伯左氏傳齊

國佐曰五伯之霸也勤而撫之以役王命杜元凱云夏伯

昆吾商伯大彭豕韋周伯齊桓晉文詩譜序正義引服虔說與此同應劭風俗

通亦主此說孟子五霸者三王之罪人也趙臺卿注齊桓晉文

秦繆宋襄楚莊二說不同顏師古注漢書異姓諸侯王表五伯則以爲昆吾大彭豕韋齊

桓晉文同姓諸侯王表五伯則以爲齊桓宋襄晉文秦穆楚

吳大差白虎通並存二說其後一說謂齊桓晉文秦穆楚

莊吳閔據國佐對晉人言其時楚莊之卒甫二年不當遂列

爲五亦不當繼此無伯而定於五也其通指三代無疑國

語祝融能昭顯天地之光明其後八姓昆吾爲夏伯大彭

豕韋爲商伯莊子彭祖得之上及有虞下及五伯大宗李

軌注彭祖名鏗堯臣封於彭城歷虞夏至商年七百歲是

所謂五伯者亦商時也是知國佐以前其有五伯之名也

久矣

據此周時但有二伯穀梁隱八年傳交質子不及二伯左傳昭公四年椒舉對楚子言六王二公亦但指

齊桓晉文

若孟子所稱五伯而以桓公爲盛則止就東周以後

言之如嚴安所謂周之衰三百餘年而五伯更起者也

漢書

然趙氏以宋襄並列亦未爲允宋襄求霸不成傷於泓以

卒未嘗霸也史記言越王句踐遂報彊吳觀兵中國稱號

五伯子長在臺卿之前所聞異辭

越世家言周元王使人賜句踐胙命爲伯又言

越兵橫行於江淮東諸侯畢賀號稱霸王淮南齊俗訓亦言越王句踐勝夫差於五湖南面而霸天下泗上十二諸

侯皆

然則言三代之五伯當如杜氏之說言春秋之五伯

當列句踐而去宋襄荀子

王霸篇

以桓文及楚莊闔閭句踐

爲五伯

江都易王問越王句踐董仲舒對以五伯是當時以句踐爲五伯之數

斯得之矣

知

四錄

案言三代之五伯則昆吾之屬楊士勛穀梁疏亦用

之

八隱

言周之五伯則桓文之屬高誘注淮南主此說

汎論訓

並確不可易其或列夫差闔閭句踐意爲取舍徒滋議論

耳夫差亡國焉得稱霸彼晉悼公復霸不亞文公而去其

譎何不數之耶閻氏四書釋地三續云宋襄雖未成霸當

時以其有志承桓故有是稱謂云爾豈惟趙氏之孟子注

卽董仲舒亦云仲尼之門五尺之童羞稱五伯夫惟宋襄

輩在仲尼之前故云羞稱不然句踐之霸不且出仲尼後

哉顧寧人欲去宋襄而進句踐亦未允

董子語本荀子仲尼篇

師徒撓敗解撓曲也

服虔曰橈弱也

漢書高帝紀注

請收合餘燼解燼火餘木

說文火之餘木曰燼卽火槽也

一切經音義二十二

禽鄭解魯大夫

禽鄭管子奚之子

見十一年杜氏世族譜

盟于爰婁解穀梁曰袁婁去齊五十里

公穀二傳並爲近郊之辭張氏洽因曰臨淄縣

案縣屬山東青州府

西有袁婁蓋約略之語耳或曰在淄川縣境

案縣屬濟南府

七之

公會晉師于上鄆解地闕

此齊衛境上邑或曰在陽穀縣境

案縣屬山東兗州府春秋地名攷略三

用蜃炭

解

燒蛤爲炭以瘞壙

鄭司農說以春秋傳曰始用蜃炭言僭天子也

周禮地官掌蜃注

宋文公卒始厚葬用蜃炭雖二王之後不得純如天子亦

用蜃故被譏

又疏

始用殉能用人從葬

古未有以人從死者有之自秦始乃戎法也秦本紀曰二

十年武公卒初以人從死

案潛丘劄記一云魯莊公十六年也

降及穆公以

三良爲殉

文六年

波及晉國魏武子欲以嬖妾爲殉

宣十五年

成公二年八月宋文公卒書曰始用殉蓋傷中國而亦然

也滔滔者予是不可止矣使孔子讀史至此有不太息流

涕歸秦人以作俑者之罪也哉

尚書古文疏證四

遂常以葬解至葬行此禮

以喪禮有進無退顧氏補正中

殺御叔解御叔夏姬之夫亦早死

夏徵舒之父御叔卽陳公子夏之子靈公之從祖父嬀姓

也國語周語中注

戮夏南解夏姬子徵舒

徵舒字子南詩林箋楚語云昔陳公子夏爲御叔娶於鄭穆

公女生子南以氏配字謂之夏南又正義陳夏徵舒字子南

楚公子追舒字子南徵懲古字通詩魯頌荆舒是懲史記

建元以來侯者年表作荆舒是徵懲舒追舒蓋以時事名

之也如定公八年傳苦越名子曰陽州之類文公十二年

羣舒叛楚杜注云羣舒偃姓舒庸舒鳩之屬

周秦名字解故下

將爲陽橋之役

解

楚伐魯至陽橋在此年冬陽橋魯地

陽橋在山東泰安府泰安縣西北

春秋輿圖

而又有桑中之喜

解

桑中衛風淫奔之詩

桑中衛邑之小者詩云期我乎桑中是也漢封趙頃王之

子廣漢爲桑中侯

見王子侯表

地在今河南衛輝府淇縣

春秋地名

攷略七

而因郤至解至郤克族子

正義

世本郤豹生冀芮芮生缺缺

生克又云豹生義義生步楊楊生蒲城鵲居

案周語中注作離居

居生

至

郤至犢之弟子

成十一年正義引世本步楊生州州卽犢也

溫季昭子也

國語

注下

晉人使爲邢大夫

解邢晉邑

邢晉地也亦曰邢丘今懷州河內縣

春秋分記疆理書十一

案邢

丘見宣六年下哀四年齊國夏伐晉取邢卽此

無爲吾望爾也乎

兵凶事文子後入故憂望

國語晉語五注

必屬耳目焉

屬猶注也

晉語五注

庚所命也

解荀庚將上軍時不出三年荀庚林父之子

宣子中行桓子之子荀庚也

晉語六注

系本云林父生宣伯庚

宿

案史記注本無宿字疑宿是其字

庚宿生獻伯偃

史記趙系家索隱

樂伯見

樂伯樂書也

周語中注

織紵解織繒布者

服虔注左傳曰織紵治繒帛者則紵謂繒帛也

詩采蘋正義

秦右大夫說

右大夫秦官名又襄十一年有右大夫詹

沈淑經玩

誰居解居辭也釋文居音基

檀弓曰何居注云居讀爲姬姓之姬齊魯之間語助也列

子黃帝篇云姬魚語女張湛曰姬音居魚當作吾案左傳

誰居之居亦音基孝經及論語皆云居吾語女古人讀居

爲姬列子因之遂以居爲姬聲之誤也

惠棟禮記古義上

案襄

廿三年誰居解云居猶與也亦語辭

大誓所謂商兆民離周十人同者衆也解大誓周書

偽泰誓三篇或云宣帝時得或云武帝時得皆非也武帝

建元元年董仲舒對策卽引偽泰誓書曰白魚入于王舟
有火復于王屋流爲烏周公曰復哉復哉則知此書出於

武帝之前決矣或武帝時方立於學官故曰武帝時得亦
未可知東漢馬融始竊疑之云泰誓後得案其文似若淺

露稽其事頗涉神怪得無在子所不語中乎春秋引泰誓

曰民之所欲天必從之國語引泰誓曰朕夢協朕卜襲于

休祥戎商必克

周語下

孟子引泰誓曰我武惟揚侵于之疆

取彼凶殘我伐用張于湯有光孫卿引泰誓曰獨夫紂

議

篇

禮記引泰誓曰予克紂非予武惟朕文考無罪紂克予
非朕文考有罪惟予小子無良今文泰誓皆無此語吾見
書傳多矣所引泰誓而不在泰誓者甚多弗復悉記略舉
五事以明之亦可知矣馬融之言如此逮東晉元帝時梅
賾忽獻古文尚書有泰誓三篇凡馬融所疑不在者悉在
焉人烏得不信以爲眞而不知其僞之愈不可掩也何也
馬融明言書傳所引泰誓甚多弗復悉記略舉五事以明
之非謂盡於此五事也而僞作古文者不能博極羣書止
據馬融之所及而不據馬融之所未及故墨子尚同篇有
引大誓曰小人見姦巧乃聞不言也發罪鈞墨子又從而
釋之曰此言見淫辟不以告者其罪亦猶淫辟者也

尚同下

可謂深切著明矣墨子生孔子後孟子前詩書完好未遭秦焰且其書甚真非依託者比而晚出之古文獨遺此數語非一大破綻乎或問僞秦誓三篇唐世僅存而宋史藝文志已無馬融鄭康成王肅所注尚書是僞秦誓已不傳蔡沈謂其亦知剽竊經傳所引蔡何從而知之乎余曰以今度之蓋可知也如趙岐注孟子於天視自我民視云秦誓尚書篇名於我武惟揚云秦誓古尚書百二十篇之時秦誓也與今秦誓不同則僞秦誓所剽竊有天視自我民視二語而無我武惟揚五語可知矣杜預注左氏於成二年傳大誓所謂商兆民離周十人同者衆也云大誓周書於襄三十一年傳大誓云民之所欲天必從之云今尚書

大誓無此文於昭二十四年傳大誓曰紂有億兆夷人亦有離德余有亂臣十人同心同德云今大誓無此語則僞秦誓所剽竊有商兆民離二語而無民之所欲紂有億兆夷人六語可知矣然晚山之古文除馬融所舉五事外亦知剽竊紂有億兆夷人卽於墨子亦知剽竊文王若日若月乍照光于四方于西土

兼凌中下

亦知剽竊紂夷處不肯事

上帝鬼神禍厥先神禋不祀乃曰吾民有命無廖排扇天

亦縱之棄而弗葆

非命上曰紂夷之居而不肯事上帝棄闕其先

神而不祀也曰我民有命毋侮其務天不亦棄亦知剽竊

縱而不葆此卽墨子釋辭疑無廖排扇句有誤

於去發曰惡乎君子天有顯德其行甚章爲鑑不遠在彼

殷王謂人有命謂敬不可行謂祭無益謂暴無傷上帝不

常九有以亡上帝不順祝降其喪惟我有周受之大帝命

非

下獨未及引小人見姦巧之言遂爲逗漏然亦幸而有此

逗漏矣

尚書古文
疏證一

三 成 鄭公子偃解穆公子

公子偃子游宣子

杜氏世
族譜一

使東鄙覆諸鄭

曼鄭邑曼伯國

昭十

爲曼姓一作蔓鄭也鄉在廣漢

路史
國名

紀
四

叔孫僑如圍棘

解

棘汶陽田之邑在濟北蛇丘縣

成三年僑如圍棘取汶陽田魯邑也襄二十六年吳克棘

楚地也昭十年桓子召子山而反棘焉齊地也

春秋分記
疆理書上

一 張雲璈曰今山東泰安府泰安縣西南境有棘亭案
路史魯棘在汶水北水經注云汶水又西溝水注之山東
北馬山西南流逕棘亭南去汶水八十里

荀騅

騅諡文子

史記晉系
家索隱

成許人敗諸展陂鄭伯伐許取鉏任泠敦之田解展陂亦許
地

展陂今在河南許州西北鉏任及泠敦亦在州境春秋地名攷略

二十

取汜祭解鄭地成臯縣東有汜水正義杜注滎陽中牟縣有

東汜

信州年

襄城縣有南汜

信州四年

知此汜祭非彼二汜而以成

阜縣東有汜水者以傳爲晉伐鄭取汜祭旣爲晉人所取當是鄭之西北界卽今之汜水也

此爲二邑汜卽成阜之汜今榮陽縣祭卽中牟之祭亭今俱屬

開封府大事表七之二案晉世家作取汜可證

晉趙嬰通于趙莊姬解莊姬趙朔妻八年解莊姬晉成公女

正義史記趙世家云趙朔娶晉成公姊爲夫人案傳趙衰適

妻是文公之女若朔妻成公之姊則亦文公之女父之從母

不可以爲妻云云

晉有二趙姬亦曰姬氏也其一趙衰妻文公之女成公之

姊其一趙莊姬者趙盾長子朔之妻趙武之母成公之女

也史記誤以朔妻爲成公姊熊氏經說三案朔諡莊子故妻

稱莊姬

成

梁山崩解梁山在馮翊夏陽縣北

案爾雅漢志注並云在縣西北

爾雅曰梁山晉望正謂夏陽之梁山夏陽故少梁秦地也

左傳文十年晉人伐秦取少梁梁山由是入晉成五年梁

山崩晉侯所以問伯宗而行降服徹樂之禮下逮戰國少

梁猶屬魏故梁山雖在雍域而實爲晉望蔡氏以爲在冀

州卽離石之呂梁何其攷之不詳耶雍州有二梁山一在

韓城縣西北

案大事表云在今陝西同州府韓城縣西北九十里

詩所云奕奕梁山

者禹貢之梁山也一在乾州西北

亦陝西省

西南接岐山縣界

屬鳳翔府

卽孟子所云太王居邠踰梁山者非禹貢之梁山也

元和志異

以此山爲治禹貢錐指

案詩梁山爲韓國之重鎮晉滅

韓後是爲晉望其山尚未屬晉特望而祭之耳晉文侯滅

韓在平王十四年

本紀年亦見襄廿九年傳

至靈公時取秦少梁始并

山入晉

山有朽壤而崩可若何

朽腐也不言政失所爲而稱朽壤言遜也

國語晉語五注

國主山川

解主謂所主祭

爲山川主孔子曰夫顓臾爲東蒙主

晉語五注

案鄭語云主

茅騶而食澮洧注云主爲之神主是也

徹樂

解息八音

周禮四鎮五嶽崩命去樂

晉語五注

案春官

遂以告而從之解從重人言

大司樂命字作令

以車者之言告君君從之

晉語五注

及子國解子國鄭穆公子

子國公子發惠子

杜氏世族譜

同盟于蟲牢解蟲牢鄭地陳畱封丘縣北有桐牢

案太平寰宇記一引

此注桐牢下有亭字

襄十八年楚侵鄭至于蟲牢定八年晉侵鄭圍蟲牢今開

封府封丘縣北二里有桐牢亭

春秋地名攷略六

宋公使向爲人辭以子靈之難解子靈圍龜也

圍龜言龜體全且大也邊甲四周若規圍然圍與圓一聲

之轉耳易頤初九舍爾靈龜

周秦名字解故下

案楚有關韋龜

韋圍古通

成子游相解子游公子偃

於於旌旗之游於蹇之兒讀若偃古人名於字子游說文

上七案十八年有籍偃字游襄十三年有荀偃字伯游昭

十六年有駟偃字子游它如論語言偃莊子顏偃齊物論釋文

並字子游可證也

季文子以鞶之功立武宮解魯人自鞶之功至今無患故築

武軍又作先君武公宮以告成事欲以示後世

明堂位魯公之廟文世室也武公之廟武世室也案春秋

成公六年立武宮武公非始封之君毀已久而復立蓋借

用天子文武二祧之禮春秋之所譏而記以爲禮乎因學紀聞

五武公之諡武也必嘗有功於武矣季孫行父以鞶之功

不勝其侈於是乎有武宮之立故漢儒因以擬武世室焉

其說雖出傳會而意亦近矣

春秋簡端錄

取鄆解附庸國也

昭二十六年盟于鄆陵或卽鄆國凌氏曰鄆在兗州府境

畢氏晉書地理志補正一

夏陽說解晉大夫

夏陽說以邑爲氏晉滅虢下陽二小傳作夏陽僖二蓋說食

采于此萬氏氏族略

蠻氏解戎別種也河南新城縣東南有蠻城

蠻氏一名茅戎

成元一名戎蠻子

昭十六哀四

文十七年周甘歆

敗戎于郊垂後漢志以爲此蠻氏之戎也襄五年王使王

叔陳生愬戎于晉卽蠻氏之戎漢志河南新城縣曰蠻中

故戎蠻子國今汝州西南有蠻城

大事表三十九

師于鉞

衛成公時鉞莊子食采于此

見傳廿八春秋地名攷略七

晉人謀去故絳晉復命新田爲絳故謂此故絳

晉因梁山崩而懼故遷都以厭之

義門讀書記

必居郇瑕氏之地

解

郇瑕古國名河東解縣西北有郇城

郇瑕服氏云在解東郇瑕氏之虛也

路史國名紀六

郇瑕氏之瑕

在河北詹嘉所處之瑕在河南舊混而一之誤

大事表七之三

詳文十三年

沃饒而近鹽

解

鹽鹽也猗氏縣鹽池是

正義

土田良沃五穀

饒多

服虔曰土平有漑曰沃鹽鹽池也

水經涑水注

鹽引池而化

山海經鹽販之澤

案北山經作鹽販之澤

穆天子傳至于鹽晉郇瑕

氏之地而猗頓用是起者也

見史記貨殖傳

散鹽煮水而成

見周禮鹽

人注夏書青州之貢職方幽州之利齊之渠展燕之遼東

案

語本管子地數篇

而宿沙初作者也

案宿沙卽夙沙也呂氏春秋用民篇注夙沙大庭氏之末

世也通志氏族略二引英賢傳曰炎帝時侯國水經涑水注呂忱曰宿沙煮海謂之鹽

形鹽掘地以

出之周公閱所云鹽虎形也飴鹽於戎以取之伊尹所云

和之美者大夏之鹽也

見呂氏春秋本味篇

後周四鹽之政倣此

本隋

書食貨志

古者川澤之饒與民共之自海王之篇祈望之守作

俑于齊至漢二十倍於古攷之漢志鹽官三十有五唐有

鹽之縣一百五本朝鹽所出者十二路爲池二爲監七爲

場二十二爲井六百有九

閻氏若據云玉海作井八百二十全氏祖望云會要作井七百

百五十五法益詳而利無遺矣

因學紀聞四

鹽池在今山西蒲州府

猗氏縣南

大事表八上

獻子從公立於寢庭解路寢之庭

正義禮玉藻云云

汪武曹云古者天子諸侯皆有三朝以魯制言之庫門之

內爲外朝雉門之內爲治朝路門之內爲燕朝治朝與燕

朝皆可謂之內朝文王世子公族朝于內朝謂燕朝也玉

藻朝服以日視朝於內朝謂治朝也然以治朝對燕朝言

之則亦曰外朝文王世子外朝以官是也庫門內之外朝

案此當作庫門外之外朝與上並誤周禮朝士注云小宗伯職曰建國之神位右社稷左宗廟然則外朝在庫門之

外臯門之內與疏云推量爲義故云與以疑之也此傳正義亦從之而云諸侯外朝在應門外魯外朝在雉門外蓋亦是推載於周禮三公孤卿以下設位於庭中所謂面三槐而左右九棘者也然非君所常御之朝故曰虛位惟國有非常之事然後御此致萬民而詢謀之焉而所謂燕朝者玉藻則云君日視朝退適路寢聽政使人視大夫大夫退然後適小寢路寢卽燕朝也以此見羣臣不從君入也周禮王眡燕朝則大僕正位掌擯相注云王圖宗人之嘉事則燕朝疏云君燕羣臣則在寢燕亦有朝但因燕而朝燕禮已有成文故鄭必以王圖宗人嘉事爲燕朝以此合之公族朝于內朝之文益知異姓之臣不得常在燕朝也蓋羣臣日所常朝之地乃在治朝耳余案成六年韓獻子

將新中軍且爲僕大夫公揖而入獻子從公立於寢庭此

足見韓厥卿也得從景公入至燕朝以兼大僕故

案日知錄二十

七云僕大夫者君之親臣故獨令之從公而入寢庭也

四書釋地三續

民愁則墊隘解墊隘羸困也正義方言云墊下也地之下溼狹隘猶人之羸瘦困苦故杜以墊隘爲羸困也

傳中屢言墊隘杜之注釋各殊此年云羸困襄九年云猶委頓二十五年云慮水雨皆非正訓案說文引此傳曰墊

下也尚書下民昏墊注溺也

案漢書王莽傳下注師古曰墊陷也

昭三年傳

湫隘注隘小也孔疏言地之下溼狹隘者是矣

陸氏附注二

於是乎有沈溺重腿之疾解沈溺溼疾重腿足腫

汪瑜曰內經太陰陽明論云清溼襲虛則病起于下平人

氣象論云足脛腫曰水言沈溺溼氣侵人而爲重腿之病有汾澮以流其惡解汾水出大原經絳北西南入河澮水出平陽絳縣南西入汾惡垢穢

汾水出山西太原府靜樂縣北

案縣今屬忻州

百四十里之管涔

山自臨汾經絳縣故城北

案臨汾縣屬平陽府絳縣屬絳州

至蒲州府之

榮河縣北折而入于大河澮水有二源一出平陽府翼城

縣之烏嶺山一出絳縣東北俱西流過平陽府曲沃縣流

入絳州之王澤合于汾亦曰少水襄二十三年齊侯伐晉

封少水而還卽此

大事表八上

汾水在曲沃縣西三十五里澮

水在縣南五里

春秋輿圖

汾有二成六年有汾澮以流其惡是

晉地水名襄十八年子庚治兵于汾是楚地

春秋分記疆理書十一

周書

武順解

曰地有五行不通曰惡

惠氏補注三

與楚師遇於繞角

解

繞角鄭地

杜佑通典汝州魯山縣東南有繞角城

今河南日講春秋解義三十二

禦諸桑隧

解

汝南朗陵縣東有桑里在上蔡西南

朗陵漢縣屬汝南郡晉因之在今汝寧府

河南確山縣西南

三十五里又縣東有桑里亭

春秋地名攷略十

商書曰三人占從二人衆故也

外傳云人三爲衆又云公行下衆

周語上

論語云三人行必

有我師晏子春秋四云莫三人而迷

又見韓子內儲說上

說苑敬慎

篇云升輿而遇三人則下皆不敢誣衆之意此傳云三卿

爲主可謂衆矣衆而且賢從之爲宜

周氏附論

成

同盟于馬陵

解

衛地陽平元城縣東南有地名馬陵

今直隸大名府治元城縣東南十五里戰國時孫臏射殺

龐涓處

大事表
七之二

子重請取於申呂以爲賞田

呂爲虞夏時國周穆王時呂侯爲司寇作呂刑國語史伯

曰當成周者南有申呂

見鄭語韋注
申呂姜姓也

後并于楚今河南南

陽府城西三十里有呂城俗名董呂村

春秋地名
攷略九

呂有二

成七年子重請取於申呂古呂國也後爲楚地襄元年楚

侵宋呂畱宋地也

春秋分記疆
理書十一

爾以讒慝貪惓事君

釋文

惓力含反

方言曰惓殺也楚謂之貪惓殘也又云殺人而取其財曰

憊案方言一曰憊殺也晉魏河內之北謂憊曰殘楚謂之貪戴震疏證云憊憊古通用說文河內之北謂貪曰憊
與此小異左氏僖二十四年傳狄固貪憊釋文引方言殺
人而取其財曰憊疏所引同今方言無此語昭二十八年
疏引方言二子殺巫臣之族而分其室故曰貪憊惠氏補注三

案方言二云憊殘也陳楚曰憊集韻憊字引方言殺也

力錦切又作盧感切義同而婪憊字二字通亦作此切云不

謹也其盧含切之婪憊字云貪也則又似不相通已

余必使爾罷於奔命以死

聞命奔赴故謂之奔命後漢書光武帝紀上注

吳子壽夢說之壽夢季札父釋文夢莫公反

壽夢是仲雍十八代孫襄十二年經曰吳子乘卒左傳曰

壽夢系本曰吳孰姑徙句吳宋衷曰孰姑壽夢也代謂祝

夢乘諸也壽孰音相近姑之言諸也毛詩傳讀姑爲諸孰

姑壽夢是一人又名乘也

史記吳系家索隱

案襄十二年解壽

夢吳子之號顧氏補正以爲非號也一言爲乘二言爲壽

夢

本襄十年正義引服氏說

愚謂吳子皆有號如寧老說則僚爲州干

光爲闔廬亦得謂合音乎淮南繆稱訓夫差曰夷聲陽句吳其庶乎同是聲而取信焉異有諸情也然則居今日而欲揣春秋時之吳音恐失之愈遠矣

吳入州來

解

州來楚邑淮南下蔡縣是也

州來在今江南

安徽

鳳陽府壽州北三十里阻淮爲固吳畏

楚上流出兵多從淮右北道壽州是其要害昭二十三年

雞父之戰楚師大奔州來遂失自是入郢之禍兆矣雞父

在壽州西南六十里

大事表九略本趙汭補注

案顧氏此說

成晉侯使韓穿來言汶陽之田歸之于齊

若有言則以束帛如享禮

儀禮聘禮

記曰有故則束帛加書以

將命春秋臧孫辰告糴于齊

莊廿八

公子遂如楚乞師

僖廿六

晉侯使韓穿來言汶陽之田皆是也無庭實也

又注

宋公使公孫壽來納幣禮也

解

宋公無主昏者自命之故稱

使也納幣應使卿

宗子無父母命之親皆沒己躬命之

儀禮士昏禮

記命之命使者

母命之在春秋紀裂繻來逆女是也躬猶親也親命之則

宋公使公孫壽來納幣是也

又注

餘詳隱二年正義

以其田與祁奚

襄廿一年解

食邑於祁因以爲氏祁縣今屬

太原

祁氏其先獻侯之後舉

僖十年殺之

子瞞

僖二十八年殺御師

子梁伯高

子奚

春秋分記世譜二

祁氏姬姓晉獻侯四世孫奚爲晉大夫食

邑於祁或云隰叔之後與上氏同族

通志氏族略三

祁奚高粱伯

之子

案晉語七韋注同程譜作梁伯高疑譌

祁黃羊也

案高粱亦其食邑高梁晉地見僖九年傳

呂氏春秋去私篇注黃羊祁奚之字

呂氏春秋開春篇注

僖十年晉殺祁舉蓋祁邑

先以處舉後以賜奚昭二十八年晉滅祁氏分爲七縣魏

獻子以賈辛爲祁大夫漢置祁縣今屬山西太原府路史

曰祁縣以近祁藪而得名卽爾雅所謂昭餘祁矣今藪在

縣東七里又東南八里有古祁城志以爲晉祁氏之邑

春秋

地名攷略五

與渠丘公立於池上解渠丘公莒子朱也池城池也渠丘邑名莒縣有遽里正義夷不當有諡或作別號此朱以邑名爲號不知其故何也

汾王厲王也厲王流于彘彘在汾水之上故時人因以號之猶言莒郊公昭十黎比公襄卅一也詩韓奕箋莒在東夷不爲

君諡每世皆以地號公此外猶有茲平公定四著丘公昭四之

等以二者足以明義不復徧引之也又正義漢北海安丘縣

孟康曰古渠丘也伏琛齊記亦曰渠丘亭在安丘東北十

里但非莒縣境與杜不合然地自相鄰也安丘縣今屬山

東青州府春秋地名攷略十二渠丘有二成八年假道于莒與渠丘

公立於池上莒邑也昭十一年齊渠丘賁殺無知齊地也

春秋分記疆
理書十一

案文十八年莒紀公解云紀號也莒夷無
諡故有別號紀是地名昭十九年齊師入紀其時爲莒共
公疑其公非諡或亦以邑名爲號也

勇夫重閉

重閉外內閉也

案淮南秦族訓曰聖人見禍福於
重閉之內是也禮記月令注

成九執諸銅鞮郡銅鞮晉別縣在上黨

襄三十一年子產曰銅鞮之宮數里昭二十八年滅羊舌
氏樂霄爲銅鞮大夫蓋晉之別宮亦羊舌赤之食邑也劉
昭曰羊舌所邑在晉宮北二十里今銅鞮故城在山西沁
州南十里

春秋地名
攷略五

案羊舌赤字伯華亦稱銅鞮伯華

昭五年正義引家語唐書宰相世系表一下通志氏族略

三並同惟大戴禮記衛將軍篇作桐提伯華特以音近通借爾

先父之職官也

沒曰先

國語魯語下注

使與之琴操南音解南音楚聲

南音徵引也南國之音也商角徵羽各有引鍾儀楚人思

在楚故操南音呂氏春秋

音初

曰禹行水見塗山之女未之

遇而南省南土塗山之女乃令其妾往候禹于塗山之陽

女乃作歌曰候人猗實始作爲南音周公召公取風焉

文選

左太冲吳都賦劉涓子注

雖有絲麻無弃菅蒯雖有姬姜無弃蕉萃解姬姜大國之女

蕉萃陋賤之人

菅蒯猶所謂糟糠也

卑雅十八

黃帝姓姬炎帝姓姜二姓之後

子孫昌盛其家之女美者尤多遂以姬姜爲婦人之美稱

詩東門之池正義

城中城解魯邑也在東海廩丘縣西南

定六年又城中城廩丘在范縣東南

案縣屬山東曹州府

志云中城

在廩丘故城西南

春秋地名攷略二

十威衛子叔黑背侵鄭

衛公子黑背字子析

通志氏族略三

案襄廿六年正義云成十

年衛侯之弟黑背帥師侵鄭傳云衛子叔黑背侵鄭是黑

背字子叔卽以子叔爲族愚謂黑背以次爲氏如魯之三

家不得謂字也

子如立公子繻

公子如乃立成公庶兄繻爲君

史記鄭世家

晉侯有疾五月晉立大子州蒲以爲君而會諸侯伐鄭解生立子爲君此父不父子不予

左傳晉景公有疾立太子州蒲爲君會諸侯伐鄭史記趙武靈王傳國於子惠文王自稱主父此內禪之始竹書紀年夏帝不降五十九年遜位于弟局帝局十年帝不降陟然不可攷矣

日知錄十四

鄭子罕解穆公子

子罕公子喜成子

杜氏世族譜

子然盟于脩澤

解

滎陽卷縣東有脩武亭

鄭脩澤在河南懷慶府原武縣北

春秋
輿圖

子駟爲質

解

穆公子

子駟公子駢武子

杜氏世
族譜

召桑田巫

解

桑田晉邑

故虢地後入晉僖二年虢公敗戎于桑田卽此

大事表
七之三

彼良醫也

左氏昭元年傳云良醫也猶周禮所云上醫也

邵氏爾雅
正義二

居育之上膏之下

解

育鬲也心下爲膏

汪瑜曰此是痰證病在心包絡故不治也

使甸人獻麥饋人爲之

解

甸人主爲公田者

周禮天官有甸師掌帥屬而耕耨王藉以時入之以共齎
盛侯國不曰甸師制與天子異蓋主爲公田者饋人掌飲
食之人如王朝庖人之類

春秋分記
職官書二

補釋十三

補釋十四

起成公十一年盡十八年

左通一

錢塘梁履繩學

一 成十 聲伯以其外弟爲大夫而嫁其外妹於施孝叔解外弟

管于奚之子爲魯大夫孝叔魯惠公五世孫

施父四世孫孝叔

施父見桓九年秋分記世譜一

此外弟外妹是謂出

母之子女與舅之子曰外兄弟不同

讀左日鈔五

周公楚

周公閱曾孫

閱見僖卅大事表十二上 大

晉郤至與周爭鄩田解鄩溫別邑今河內懷縣西南有鄩人

亭

鄩田在河南懷慶府武陟縣西南

春秋輿圖

與檀伯達封于河解與檀伯達俱封于河內

周卿士檀伯達

通志氏族略三

檀伯齊蓋在今河南懷慶府濟源

縣境

大事表五

宋華元善於令尹子重

善猶和也

呂氏春秋貴公篇注

成十會于瑣澤解地闕

左氏謂鄭伯如晉聽成瑣澤當是晉地

俞氏春秋集傳釋義大成八

案公羊傳作沙澤瑣沙音得相轉穀梁僖十四年傳云沙山名也此澤豈以近沙山得名乎路史國名紀七謂瑣澤卽襄十一年鄭之瑣程氏端學春秋本義因以瑣澤爲鄭地並誤杜氏闕此傳而解襄傳卽可見其非一地已

晉人敗狄于交剛解地闕

成九年秦與白狄伐晉故此年晉敗狄而旋即伐秦也是

時赤狄之種盡絕故中國直名白狄爲狄不復別之如赤

狄之在閔僖之世也

大事表三十九

鄭氏曰交剛狄地也

俞氏春秋集傳

釋義大成八

交剛在山西隰州境

春秋輿圖亦以爲鄭地

案程氏本義不知何所見

百官承事朝而不夕俞不夕言無事正義旦見君謂之朝莫

見君謂之夕云云

朝禮備夕禮簡卿大夫莫夕于君當亦朝服案左氏傳晉

郤至謂子反曰百官承事朝而不夕無事則無夕法若夕

有事須見君則夕故昭十二年子革云夕哀十四年子我

亦云夕者皆是有事見君非常朝夕之事也

儀禮士冠禮疏案禮記

鄉飲酒義云朝不廢朝
莫不廢夕乃是常禮

三十禮身之幹也敬身之基也正義幹以樹木爲喻基以牆

屋爲喻云云

師古曰無禮則身不立不敬則身不安也

漢書五行志中之上注

成肅公

邲氏亦作成

邲詳隱五年

其後以國爲氏或去邑爲成氏與周

之成肅公楚之成得臣同爲一成

通志氏族略二

案邲成通用

疑邲叔武之子孫仕於王朝如周召之類是也而路史國

名紀五云成乃周地與邲之爲成異則成其采邑未詳孰

是

成子受賑于社

解

賑宜社之肉也盛以蜃器故曰賑

鄭總云脤膳社稷宗廟之肉分而言之則脤是社稷之肉
膳是宗廟之肉是以成十三年成子受脤于社注云脤宜
社之肉也盛以蜃器故曰脤劉子曰祀有執膳戎有受脤
注云膳祭肉又案異義左氏說脤社祭之肉盛之以蜃宗
廟之肉名曰膳以此言之則宗廟之肉曰膳社稷之肉曰
脤之驗也而公羊穀梁皆云生居俎上曰脤熟居俎上曰
膳定十非鄭義耳對文脤爲社稷肉膳爲宗廟肉其實宗
廟社稷器皆飾用蜃蛤故掌蜃云祭祀共蜃器之蜃注云
飾祭器是其祭器皆飾以蜃也

周禮春官
大宗伯疏

吾聞之民受天地之中以生所謂命也正義天地之中謂中
和之氣也

案漢書律歷
志師古注同

民者人也言人受此天地中和之氣

以得生育所謂命也云云

吾聞兩字便見得老師宿儒之傳不是康公口中語其曰
民受天地之中以生所謂命也此在中庸便是天命之謂
性在大易卽是太極一判品物流形各正性命萬物得天
地之偏人乃得天地之全故民者天地之心也此中卽命
之所在卽詩所謂維天之命於穆不已便是此命也呂氏春秋
左氏傳溫公省試民受天地之中以生論以生爲活其說
以爲民受天地之中則能活也朱文公謂此說好困學紀聞六
以五行言則五六爲天地之中以爻位言則二五爲天地
之中以四時言則春秋爲天地之中天地之中命也民受
之以生卽所謂性也性爲中情爲和中庸之中和卽天地

之中也故曰天命之謂性易曰各正性命係合太和惠氏補注

三

文公躬擐甲冑

甲見桓六年冑見僖廿二年

世本云杼作甲宋仲子云少康子杼也說文云冑兜鍪也
兜鍪首鎧也經典皆言甲冑秦世已來始有鎧兜鍪之文
古之作甲用皮秦漢已來用鐵鎧鍪二字皆從金蓋用鐵
爲之而因以作名也

書費誓正義

迭我殽地

迭我殽地迭與軼古字通

文選顏延年陽給事誄注

迭與隱九年侵軼

之軼同故釋文並云直結反又音逸也杜云軼突也玉篇

云車相過也

沈氏小疏

秦始皇本紀雖萬世世不軼毀軼與迭

通用封禪書軌興軌衰漢書作迭興迭衰

錢大昕史記攷異一

伐我係城殄滅我費滑解伐係城誣之費滑滑國都於費今

緱氏縣

正義

於時輕行襲鄭不得在道用兵云云

杜氏不言係城何地蓋非地名不過爲完守入係之城也

此時秦師越晉之殺以襲鄭滅滑晉已邀其歸師擊敗之

又欲文致秦罪故言伐我係城猶言焚我郊係耳

春秋地名攷略

五

餘詳僖廿年

又欲闕翦我公室釋文闕其月反徐如字

正義曰闕爲缺損翦謂滅削言欲損害晉之公室

今疏闕據宋本

十九補

余蕭客古經解鈎沈

案孔氏如字解若從其月反則與掘同

義

伐我涑川

解

涑水出河東聞喜縣西南至蒲坂縣入河

今山西蒲州府城東北二十六里有涑水城卽秦所伐之涑川也水經注涑水出聞喜縣東山至周陽與洮水合又曰河水南至雷首山西涑水注之案雷首去蒲坂三十里卽杜氏所云入河處也

大事表
八上

焚我箕郛

臣浩案世所行杜林合注本此句有杜注云箕郛晉二邑焚火攻之也十字推尋文義似此處應有注也

左傳考證
案箕已

見信冊
三年

今太原府祁縣西七里有郛城或謂之鵠城其地

名高城村蓋音譌攷是役秦次于輔氏晉侯方略潞土遣魏顆禦卻之又襄十一年秦伐晉濟自輔氏其爲濱河之

邑無疑今朝邑有輔氏城其地東接蒲津理可通也卽本
傳曰入我河縣焚我箕郛芟夷我農功虔劉我邊垂亦未
嘗言深入或者但見箕在太谷遂謂郛在祁縣與蒲津相
去數百里秦師何由至此乎存之俟攷春秋地名攷略五
及秦師戰于麻隧解秦地

麻隧在今陝西涇陽縣西南

案縣屬西安府日講春秋解義三十四

及不更女父解不更秦爵正義其名之義難得而知耳

師古曰言不豫更卒之事也

漢書百官公卿表上注

劉劭爵制曰不

更者爲車右不復與凡更卒同也

續漢書百官志互注

詳具襄十

一年

師遂濟涇及侯麗而還迺晉侯于新楚解涇水出安定東南

經扶風京兆高陵縣入渭也侯麗新楚皆秦地

涇水出今平涼府平涼縣干頭山

甘肅

亦名崢峒山東至西

安府高陵縣西南入渭水

陝西

高陵卽高陵也寰宇記涇陽

有睢城渡卽諸侯濟涇秦人毒涇上流處舊爲漢唐之通

津

大事表

侯麗在今涇陽縣境

大事表

史記魯世家曰周

公奔楚戰國魏策惠施曰王季葬於楚山之尾季嬭鼎銘

曰王在成周王徙于楚麓左傳返晉侯于新楚杜注秦地

括地志終南山一名楚山在雍州萬年縣南武王墓在萬

年縣西南

案括地志見夏周本紀正義

周公當因流言出居依於王季

武王之墓地

徐文靖竹書紀年統箋七

案雍州爲今陝西西安府萬

年卽咸寧縣

自訾求入于大宮解訾鄭地

此卽周之訾也

見昭廿三春秋地名攷略六

案程氏疆理書以鄭訾

周訾爲二地特不詳鄭訾所在又楚有訾見昭十三年

殺子卬子羽解皆穆公子

公子踰悼子子卬穆公子子羽翬穆公之子

杜氏世族譜卬氏

鄭穆公子子卬之後也公子倫字子卬其孫卬段以王父

字爲氏

通志氏族略三

案孔氏鈔本世族譜踰作倫鄭成公名

踰疑作倫爲是翬程氏世譜作揮古本通用

見隱四年攷異襄廿

六年正義曰非行人子羽公孫揮也

四

衛侯饗苦成叔

成叔卽成叔邵擊

苦氏卽邵氏邵擊亦號苦成子苦爲別封之邑

通志氏族略三王

符云郤犇采于苦曰苦成

見潛夫論志氏姓

故城在鹽池東北

史路

國名紀五

苦在山西解州安邑縣東北二十里

春秋與圖

案成是

犇之諡氏族略序云邑而加諡如苦成子之後爲苦成氏

是也

戰國趙策三有苦成常

廣韻成字注引國語晉郤犇食采苦成

豈因晉語

六

稱苦成叔子亦稱叔子遂誤以苦成爲采地

耶傳中以邑加諡如隨武子范文子之類不可勝舉如謂

犇以罪誅不應易名則郤至亦諡昭子矣

晉語八

或是悼公

追賜之惟錡諡無攷

故詩曰兕觥其觶旨酒思柔

解

詩小雅言君子好禮飲酒皆

思柔德雖設兕觥觶然不用以兕角爲觶所以罰不敬

正義

觶是爵稱知兕觥以兕角爲觶也

云云

觥罰爵也饗燕所以有之者飲酒禮自立司正之後旅醵

必有醉而失禮者罰之亦所以爲樂

詩卷耳箋

禮圖云觥大七

升以兕角爲之先師說云刻木爲之形似兕角蓋無兕者
用木也知觥必以罰者地官閭胥掌其比觥撻罰之事春
官小胥職亦云觥其不敬者是以觥罰人之義也故桑扈
絲衣皆云兕觥其觥明爲罰而不犯矣知饗有觥者七月
云朋酒斯饗稱彼兕觥成十四年左傳衛侯饗苦成叔甯
惠子引詩云兕觥其觥旨酒思柔故知饗有觥也饗以訓
恭儉不應醉而用觥者饗禮之初示敬故酒清而不敢飲
肉乾而不敢食其末亦如燕法知燕亦有觥者昭元年左
傳鄭人燕趙孟穆叔子皮及曹大夫興拜舉兕爵是燕有

兕觥也鄉飲酒禮無觥者說行禮不言其有過之事故也

又正義

成十子囊解莊王子公子貞

子囊恭王弟

國語楚語上注

及暴隧

文八年盟于暴杜注鄭地案詩何人斯刺暴公也世本曰暴辛公作塤周圻內國路史國名紀五曰暴暴新公采鄭邑也

一曰暴隧鄭箋謂周圻內無暴邑失之

春秋地名攷略一

取新石解楚邑

新石當在今河南葉縣境

案縣屬南陽府講春秋解義三十五

日

魚石解公子目夷之曾孫

目夷子友

文七

曾孫石府

府見下傳春秋分記世譜三

案目夷字子魚

故以字爲氏特未詳其禰

二華戴族也

解華元華喜

宋戴公白

案史記名不著唐書宰相世系表五下

出舍於睢上

解睢水名

睢水自河南開封府杞縣流入經睢州北

案州屬歸德府

又東逕

寧陵縣南又東經歸德府城南又東經夏邑縣北又東南

經永城縣北又東南入江南宿州界

案州屬安徽鳳陽府

今上流漸

淤夏邑以東久渟

一統志一百十六

則決睢灌解灌水涯決壞也

說文灌埤增水邊土人所止也詩汝墳傳曰汝水名墳大

防也箋以爲汝水之側淮漬傳曰漬涯也箋以爲淮水大防毛鄭互異正義遂謂漬從水墳從土故其義有別而實不然爾雅釋丘墳大防李巡曰謂厓岸狀如墳墓名大防也案見詩汝墳疏襄廿五年正義引孫炎曰謂隄也康成注大司徒墳衍云水厓曰墳酈道元以滌爲水側之漬水經清是知漬與墳字別而義同左傳華元決睢滌睢卽睢水滌則其防也故曰決禹貢錐指十四上案爾雅釋水云汝爲漬又云汝有漬郭氏引詩曰遵彼汝漬可證漬墳通用餘詳定四年

樂裔

樂裔將鉏子

將鉏見十六年春秋分記世譜三

及樂弗忘補晉賢大夫

樂弗忌者靖侯之玄孫也

通志氏族略四

案僖廿七年樂枝卽

靖侯之玄孫樂書爲枝之孫則弗忌乃其從祖父況又族之良者乎故書之知怨郤氏不獨因鄢陵之謀也

其妻必戒之曰盜憎主人民惡其上子好直言必及於難

解

傳見雖婦人之言不可廢

盜怨主人民害其貴周廟金人銘也其辭曰古之慎言人

也無多言多言多敗故云子好直言必及於難

惠氏補注三

案此本說苑敬慎篇今家語觀周篇作盜憎主人民怨其上又本左氏而稍易其文者外傳周語中單襄公引諺曰獸惡其網民惡其上韋注民惡其上爲其病已蓋言雖鄙而中事情故每舉以爲戒

會吳于鍾離解鍾離楚邑淮南縣

服虔曰鍾離州來西邑也

史記吳世家集解

鍾離少昊後嬴姓國

原本云嬴姓國

案見水經注本注史記伍子胥傳索隱

子齊徐之別封今沂之承有

鍾離城乃晉吳會處應劭云鍾離子國在九江

地理志

蓋其

後徙于此吳滅之

昭廿四史國名紀

二

今鳳陽府鳳陽縣東四里

有鍾離城

安徽省大事表五

成十

使公子成以汝陰之田解汝水之南近鄭地

楚文王封畛於汝

哀十

楚地止於汝水之南田蓋在河南

汝州郊縣及裕州葉縣間

案縣屬南陽府大事表七之四

敗諸洧陂解宋地音洧七藥反徐音酌一音市藥反

洧陂卽芍陂也廣韻云考陂在淮南七削切又云芍陂名

在壽春七壽切今在安徽鳳陽府壽州境周氏附論 又見攷異

退舍於夫渠即宋地釋文夫音扶

二十里爲舍當與洧陂相接陂乃近水之處宜植芙蕖芙蕖本作夫渠地或以此得名詩所謂彼澤之陂有蒲與荷也周氏附論 案此余先師口授之說以愚攷之夫渠疑卽渠

水也水經注二十二云渠水右合五池溝溝上承澤水下流注渠謂之五池口魏嘉平三年司馬懿帥中軍討太尉王凌於壽春自彼而還履繩謂芍陂亦在壽春則夫渠當是近水地名俟再攷

敗諸洧陵即宋地

均陵在河南歸德府寧陵縣南二十五里

春秋與圖

至於鳴鴈解在陳畱雍正縣西北

今開封府杞縣北四十里有白鴈亭

大事表七之二

六月丙寅朔日有食之

丙戌歲

今歷推之是歲六月丙寅朔加時在晝去交分二十六日

九千八百三十五分入食限

元史歷志二

詳以事神正義詳者祥也古字同耳釋詁云祥善也李巡曰

祥福之善也事神得福乃名爲祥是祥用之以事神也

古祥字皆作詳易履上九視履考祥釋文云本又作詳尚書君奭云其終出于不祥蔡邕石經云其道出于不詳呂刑告爾祥刑後漢書劉愷傳引作詳刑鄭氏周禮注亦云

度作詳刑以詰四方

大司寇

皆古祥字故左傳祲祥

昭十服

虔引公羊作詳今公羊作侵羊者春秋繁露云羊之爲言

猶祥與

篇執贊

鄭衆百官六禮辭亦云羊者祥也疑古祥字

詳字皆省作羊

詳善也

鄭注車人亦云羊善也 惠氏公羊古義下

案淮南汜論

訓云祥於鬼神注祥順也順亦與善義相通公羊宣十二年傳注善用心曰詳蓋善其心以事神未有不降之福者也

晉楚遇於鄢陵

解

鄢陵鄭地今屬潁川郡

服虔曰鄢陵鄭之東南地也

史記晉世家集解

詳見隱元年鄢

下

塞井夷竈

見下

夷平也

使晉軍塞井夷竈示必死不復飲食

國語晉語六注

陳於軍中而疏行首

解

疏行首者當陳前決開營壘爲戰道

司馬法曰凡陳行惟疏淮南子

道應訓

曰疏隊而擊之高誘

曰疏分也

惠氏補注三

虔卜於先君也

郊之戰楚爲先君宮告成事鄢陵之戰晉虔卜於先君可

證古者出師必載遷廟之主以行

見禮記曾子問讀左日鈔六

其卦遇復曰南國蹇射其元王中厥目

解

復陽長之卦陽氣

起子南行推陰故曰南國蹇也

云云

此與僖十五年傳千乘三去三去之餘獲其雄狐皆夏商

之易也或據周易以解之皆不得其義蓋夏商占七八周

易占九六其辭義各有異同不可強解也

惠氏補注三

易以外

卦爲南明夷之九三曰明夷于南狩是也復一陽浸長而

至於乾有南國蹇之象

顧氏補正中

徹七札焉解一發達七札言其能陷堅

太玄玄曰比札爲甲考工記函人注革堅者札長疏云一

葉爲一札戰國策燕一身自削甲札注云札木簡牒之薄者

甲之革緣如之陸氏附注二七札一甲之度也呂覽愛士篇云

韓原之戰晉惠公之右路石奮投而擊繆公之甲中之者

已六札矣言六札者惟一札未陷知甲以七札爲數也徹

七札者猶貫甲也

案齊景公射穿七札見韓詩外傳八惠氏補注三

楚子使工尹襄問之以弓解問遺也正義問弦多以琴問子

貢以弓論語云問人於他邦皆是也

聘弓鏃矢

設梁隱元年傳

麋信云聘問也古者以弓矢相聘問故

左傳云楚子問郤至以弓

又疏

案在軍故問以弓非常聘

之禮如吳王賜叔孫以甲劍鉞是也

有韎韁之跗注

解

韎赤色跗注戎服若袴而屬於跗與袴連

案司服注鄭引春秋傳曰晉郤至衣韎韁之跗注又云今

時伍伯緹衣古兵服之遺色韎卽赤色以赤韁爲弁也

案鄭

注見春官司服宋書禮志五亦引之儀禮聘禮疏

餘見攷異

閒蒙甲冑解閒猶近也

蒙破也被介在甲冑之間

國語晉語六注

敢肅使者解肅手至地若今擡

禮軍事肅拜肅拜下手至地

晉語六注

叔山冉

叔山氏左傳叔山冉之後莊子

德充符

魯有叔山無趾

通志氏族

略四

不亦識乎解知其以往言好暇故致飲

識記也謂其能記往言所以破其計也

左篇

案補正亦采

邵說釋文失音當作申志反

見星未已

言曉星在天其光未盡也義如詩白露未已

周氏附論

展車馬解展陳也

周禮肆師鄭注展省閱也

陸氏附注二

康成曰展整也

案見周禮司市

注 惠氏
補注三

案兩義皆可與杜解相通

范文子立於戎馬之前

公戎車馬前

國語晉
語六注

及瑕之楚地

水經

陰溝水

注肥水逕山桑縣故城南又東積而爲陂謂之

瑕陂又東南逕瑕城南春秋楚師還及瑕卽此城也山桑

漢縣在今江南

安徽

潁州府蒙城縣北

大事表
七之四

公出于壞隤

解魯邑

杜氏未詳所在第據傳云公待於壞隤申宮倣備設守而

後行意其地當去公宮不遠又昭公之喪送者自壞隤而

反當在曲阜縣境內

大事表
七之一

公子偃解公庶弟

公子公子偃

杜氏世族譜

孔廣武曰此公子偃本年所刺者

雜人內公子偃見莊十年傳

會于沙隨

解

宋地梁國寧陵縣北有沙隨亭

案水經汝水注引杜預釋地曰

在梁國寧陵縣北沙陽亭

沙隨在河南歸德府寧陵縣西六里

春秋輿圖

公會尹武公

尹氏少昊之子封於尹城因以爲氏子孫世爲周卿士食

采於尹今汾州有尹吉甫墓卽其地也

通志氏族略

三尹氏周尹

佚之後以邑爲氏

萬氏氏族略

我師次于督揚解鄭東地

襄十九年諸侯盟于督揚杜以督揚卽祝柯此齊之督揚

非此督揚也

春秋地名
攷略六

諸侯遷于制田解滎陽宛陵縣東有制澤

今制城在河南新鄭縣東北

案縣屬開封府
講春秋解義三十五

案鄭

之制地最廣在汜水縣西者爲制卽虎牢

隱元

在鄭州北者

爲北制

隱五

此名制田者水經渠水注云宛陵縣有二城二

城以東悉多陂澤卽古制澤也蓋引水開田因得斯稱耳

至于鳴鹿解陳國武平縣西南有鹿邑

今河南歸德府鹿邑縣西十三里有古鹿邑城

大事表
七之四

諸侯遷于潁上

潁上潁水之上史記云管夷吾者潁上人也索隱云今亦

有潁上縣潁上爲今河南開封府禹州

高岱春秋地名攷補

待于鄆

解

鄆魯西邑東郡廩丘縣東有鄆城

魯西鄆成四年城之昭二十六年齊取之以居公者

大事表六

之西鄆今在山東曹州府鄆城縣東十六里鄆自唐季爲

戰爭要地朱全忠謀奔山東則急擊鄆州唐莊宗取大梁

先襲取鄆方陣橫行徑入蓋鄆爲四達之衝矣

詳見成四年疏大

事表

七十

九

鄭子駟侵晉虛滑解晉二邑滑故滑國爲秦所滅時屬

晉後屬周

河南府偃師縣東南有虛城滑在縣東二十里

大事表七之三

侵鄆至于高氏解高氏在陽翟縣西南

高氏今屬河南禹州

日講春秋
解義三十六

侯孺解鄭大夫

雜人侯孺

杜氏世
族譜

孔廣杖曰鄭有侯氏僖廿四年有侯

宣多成七年有侯羽襄十年有侯晉此侯孺未詳所系曹
有侯孺見僖廿八年

自戲童至于曲洧解今新汲縣治曲洧城臨洧水

今河南汜水縣南四十里有浮戲之山水經注曰汜水出

浮戲之山案襄九年諸侯盟于戲卽此也古新汲城在洧

川縣南

並屬開封府
秋地名攷略六
春

晉范文子反自鄢陵使其祝宗祈死云云六月戊辰士燮卒

解傳言厲公無道故賢臣憂懼因禱自裁正義何休膏肓以

爲人生有三命有壽命以係度有隨命以督行有遭命以摘
暴未聞死可祈也故杜以爲因禱自裁也

昭二十五年叔孫昭子使祝宗祈死襄二十二年鄭公孫

黑肱有疾召室老宗人立段卽周禮所云家宗人也

大事表十

案家宗人屬春官宗伯又家亦有祝見襄廿七年

左氏傳云晉士燮祈死下何氏

作菅苴難之曰休以爲人生有三命有壽命以係度有隨

命以督行有遭命以摘暴

案白虎通壽命篇言命有三科以記驗祭法正義引援神契文

亦略同何休卽本之特字又小異耳

未聞死可祈也昔周公之隆天不出妖

地不出孽陰陽和調災害不生武王有疾周公植璧秉珪

願以身代武王疾愈周公不夭由此言之死不可請偶自

天祿欲盡矣非果死今左氏以爲果死因著其事以爲信

然於義左氏爲短

公羊襄九年傳疏

案鄭氏無箴者義疏家失

引耳公羊載吳子謁等輕死爲勇飲食必祝與左傳士燮及昭子之祈死何異作疏者乃謂公羊直見謁等愛其友弟致國無由而願早卒遂忘死不可祈之義豈如左氏以果死爲信然故得難之此真強生分別實無長短也劉光伯亦以爲偶然而死以規杜失殆皆一孔之見與

同盟于柯陵

解鄭西地

陵莫大於加陵應劭風俗通山澤卷引國語周單子會晉厲公于加陵又引爾雅此文加陵晉地也宋庠國語補音

周語下

云柯陵今本或作加陵內傳及二傳並作柯又無別

音設作加字亦當音柯淮南人間訓云晉厲公合諸侯於

嘉陵則加陵又作嘉陵音相同也

翟灝爾雅補郭上

案韋昭注

亦以柯陵爲鄭西地應劭特因晉厲公爲此盟遂指爲晉地耳今據加陵于諸陵中爲獨大疑卽莊十四年鄭厲公所侵之大陵也

齊慶克

解慶封父

慶氏齊桓公之子公子無虧之後也無虧生慶克亦謂之慶父名字通用是亦以字爲氏者案公子之子稱公孫公孫之子以王父字爲氏今無虧之子慶父其後爲慶氏此又以父字爲氏而不以王父字爲氏也不可一槩言

通志氏族

三略

齊人來召鮑國而立之解國牽之弟文子

叔牙曾孫牽

莊子國文子春秋分記世譜二

施氏卜宰匡句須吉解卜立家宰

風俗通云匡魯邑也句須爲之宰

廣韻匡字注案又見通志氏族略三

仲尼曰鮑莊子之知不如葵葵猶能衛其足解葵傾葉向日以蔽其根

葵心隨日光所轉輒低覆其根似知孔子曰禾生垂穗向

根不忘本也

見淮南繆稱訓及高注

蓋禾之向根仁也葵之衛足知

也仁所以守之知所以揆之故葵揆也

詩采菽云天子葵之埤雅十七

師于汝上

釋例

汝水出南陽魯縣大蓋山東北至河南梁縣

東南經襄城潁川汝南至汝陰褒信縣入淮

汝水出河南汝州魯山縣東北經伊陽至汝州南又東南

經寶豐郟縣南入南陽之裕州歷開封之襄城郟城

案二縣今

屬許州

南入汝寧西平境又東南流至潁川南

今許州臨潁縣

而至

于淮成十六年楚以汝陰之田求成于鄭蓋鄭楚之界也

春秋地名
攷略六

聲伯夢涉洹

解

洹水出汲郡林慮縣東北至魏郡長樂縣入

清水

杜預春秋釋例洹出汲郡林慮縣東北至信成入張甲河

案張甲河信成縣杜預所言晉制在漢後地名改易也

說文

洹字
繫傳

許慎說文呂忱字林並云洹水出晉魯之間

水經洹水注

洹水在今河南彰德府治安陽縣北四里亦名安陽河源

出林縣西北林慮山中東流入內黃縣入于衛河

大事表
八下

或與已瓊瑰食之

解

食珠玉含象

正義

禮緯天子含用珠諸

侯用玉大夫用璧

云云

周禮天子飯含用玉左傳成十七年子叔聲伯夢食瓊瑰

哀十一年齊陳子行命其徒具含玉此等皆是大夫而以

珠玉爲含者以珠玉是所含之物故言之非謂當時實含

用珠玉也

禮記雜記下正義

案考證云臣召南案左傳所云是當時大夫僭踰實用珠玉疏云云非也

詳見文五年

盈其懷解滿其懷

在衣爲懷

楚辭懷沙王逸注

懼不敢占也

服虔云聲伯惡瓊瑰贈死之物故畏而不言

詩渭陽正義

十有二月丁巳朔日有食之

丁亥歲

姜氏云十二月戊子朔無丁巳似失閏大衍推十一月丁巳朔交分入食限今歷推之是歲十一月丁巳朔加時在晝交分十四日二千八百九十七分入食限與大衍同

元史

歷志

二

待命于清解清陽平樂平縣是

齊清在山東東昌府堂邑縣東南三十里

春秋
輿圖

胥童解胥克之子

胥之昧胥童也

國語晉
語六注

案傳云厲公多外嬖欲盡去羣

大夫而立其左右史記晉世家乃云厲公多外嬖姬欲盡去羣大夫而立諸姬兄弟寵姬兄曰胥童然則夷陽五長

魚矯之屬皆爲諸姬兄弟耶又以外嬖爲外嬖姬俱未可信

郤錡奪夷陽五田

夷陽五傳又作夷羊五晉語作夷陽午字異而音同疑夷陽以邑爲氏又案周語商之亡也夷羊在牧命氏之由豈取諸此乎

萬氏氏族略

郤犇與長魚矯爭田

複姓晉有長魚矯

廣韻魚字注案通志氏族略五同

以束師之未至也

解齊魯衛之師

晉乞師於齊魯時尚未至言晉可敗也

國語晉語六注

君因奉孫周以事君解孫周晉襄公會孫悼公

晉自獻公用驪姬之讒詛不畜羣公子故周適周事單襄

公

國語周語下注

案晉公子在外者如公子樂在陳公子雍在

秦公子黑臀在周皆是

君盍嘗使諸周而察之

虞翻曰周京師

史記晉世家集解

厲公田與婦人先殺而飲酒後使大夫殺解傳言厲公無道先婦人而後卿佐

王制正義云天子殺然後諸侯殺諸侯殺然後大夫殺故詩傳云天子發然後諸侯發諸侯發然後大夫士發是也今厲公與婦人田已違戎事不邇女器之禮況又先婦人而後大夫乎其淫縱甚矣

周氏附論

案殺者殺禽獸也詩車

攻傳及公羊穀梁桓四年傳並注云殺有三等今厲公之田特馳逐爲樂非修四時田獵之禮也

皆尸諸朝

解陳其尸於朝

春秋傳襄二十二年楚令尹子南寵觀起楚人患之王遂殺子南於朝論語云公伯寮愬子路於季孫子服景伯謂孔子曰吾力猶能肆諸市朝注云大夫於朝士於市公伯寮是士止應云肆諸市連言朝耳

周禮秋官鄉士疏

市朝二字見

論語者乃殺人陳尸之所左傳殺三郤皆尸諸朝董安子縊而死趙孟尸諸市是也見孟子者僅得一市字蓋古者撻人各有其所容有於市於市則辱之極矣是以斷斷無撻之於朝者隋文帝於殿廷打人高顯柳或諫以爲殿廷

非決罰之地唐御史坐法詔決杖朝堂張廷珪執奏以爲
寧殺毋辱曾謂古者而有是事乎孟嘗君傳馮驩先言朝
趣市者又言日暮之後過市朝者以市之行位有如朝列

故曰市朝

本索隱

孟子解正合此或曰市朝乃連類而及之

文

四書釋地續

案昭十四年尸雍子與叔魚於市正義曰晉

殺三郤皆尸於朝此尸於市者以其賤故也應劭漢書刑
法志注曰大夫以上尸諸朝士以下尸諸市與鄭氏同履
繩謂於朝於市亦以罪之大小分如崔杼上卿也而尸於
市子皙上大夫也而尸於衢皆不於朝者蓋貶同士庶與
衆棄之卽後世棄市之法周禮小司寇職云王之同族有
罪不卽市所謂刑于隱也則有并不於朝者此法外之意

不可畫一若齊莊尸戎子於朝則眞亂制矣

公遊于匠麗氏解匠麗嬖大夫家

賈逵曰匠驪氏公外嬖大夫在翼者

史記晉世家集解

匠麗氏以

名氏爲氏左傳晉有匠麗氏漢功臣祝其侯匠麗舒

通志氏族

略五案萬氏氏族略云諸匠多以匠冠名如匠慶之類茲恐氏匠而名麗者

舒庸人解舒庸東夷國

舒庸少昊後偃姓國在舒城與庸別

庸見文十六路史國名紀二

詳

見文十二年

道吳人圍巢伐駕圍釐虺解巢駕釐虺楚四邑

巢卽蕞啟疆城之以備吳者

昭四

今爲江南

安

廬州府巢縣

襄三年吳伐楚取駕駕良邑也駕釐皆在無爲州境虺在

廬江縣境俱屬廬州府

大事表七之四

成十八葬之于翼東門之外

此故絳之東門也晉以成六年遷新田以新田爲絳因謂

故絳爲翼在山西平陽府翼城縣

大事表七之三

士魴解魴士會子

見下

士會支子士魴別食采於彘邑在平陽北號恭子

本晉語七通

志氏族略三

案先穀本食邑於彘故稱彘子先穀以宣十三

年族滅今士魴受之因稱彘其子其子爲彘裘焉

襄十四見

大夫逆于清原

清原晉境

國語晉語七注

詳僖卅一年

抑人之求君云云神之所福也解傳言其少有才所以能自

固

悼公承篡弑之後嫌臣下不從故以此約厲焉

晉語七注

魏頡解頡魏顓子正義令狐文子魏頡也

文子魏犇之孫魏顓之子魏頡也令狐邑名

晉語七注

荀會

荀禮荀家之族

晉語七注

案宋氏補音云荀禮古外反內傳

作會本亦無此禮字故本疏引晉語作會是

使士渥濁爲太傅解渥濁士貞子

貞子晉卿士穆子之子

晉語七注

右行辛解辛之先將右行因以爲氏

右行辛晉大夫賈辛也

晉語七注

案僖十年有右行賈華卽

六年伐夷吾於屈者辛是其後以官爲氏昭廿二年之賈
辛乃別是一人也孔疏引僖廿八年屠擊將右行遂疑爲
屠擊之子孫或是其祖代擊竟未攷及僖十年已有左行
右行其廿八年作三行者特增置中行疏以爲廿八年作
之卅一年卽罷之疏已

立軍尉以攝之

軍尉所以尉鎮衆也

淮南兵略訓注

張老爲候奄

孟張老字

國語晉語八注

軍候候望者也

淮南兵略訓注

案晉語稱元

候韋云中軍候奄正義云元大也中軍尊故稱大也奄

衣儉

反亦是大義成二年晉有候正受一命之服襄十九年候

奄亦受一命之服知其官同也候奄之名蓋卽悼公所定

鐸遏寇爲上軍尉

鐸遏氏以名爲氏宋襄公下大夫鐸遏章左傳晉上軍尉

鐸遏寇

通志氏族略四

籍偃解偃籍談父

籍偃晉大夫藉季之子藉游也

國語晉語七注

案晉語作籍偃

宋氏補音云藉在亦反內傳作籍字通餘詳昭十五年

程鄭解荀氏別族

程鄭晉大夫荀驩之曾孫程季之子

晉語七注

逝敖曾孫歡通驩

食邑於程爲荀程氏

路史後紀十注

案程氏世譜二云荀氏別

族程氏荀驩程文子逝敖之孫季

世譜六云季不詳其世

鄭驩曾孫

今考荀騅見成三年程鄭見成十八年騅不見傳據路史作歡則騅爲是

及曹門外

解

曹門宋城門

侯國各以所向之地爲名此蓋走曹之道曹在宋西北則

亦西北門矣

大事表
七之二

取朝郟

解

宋邑

朝郟當在今河南夏邑縣境

案縣屬歸德府
講春秋解義三十六

日

侵城郛取幽丘同伐彭城

解

城郛幽丘皆宋邑彭城宋邑今

彭城縣

城郛幽丘在江南

江蘇

徐州府蕭縣界彭城今府治銅山縣

大事表
七之二

彭城爲春秋時吳晉往來之通道至晉立徐州爲

重鎮朱序鎮守宋高祖經略中原置府于此魏太武以三十萬衆攻之不能下陳后山曰南守則略河南山東北守則瞰淮江於兵家爲守攻之地林氏曰晉悼始圍彭城繼城虎牢識天下之勢

大事表九

西鉏吾解宋大夫

西鉏氏複姓左傳宋大夫西鉏吾漢有侍御史西鉏虛見

英賢傳

通志氏族略五

以塞夷庚解夷庚吳晉往來之要道楚封魚石於彭城欲以絕吳晉之道正義夷平也詩序云由庚萬物得由其道是以庚爲道也

繁欽辨惑曰吳人以船楫爲輿馬以巨海爲夷庚臧榮緒

晉書曰司徒王謚議曰夷庚未入乘輿旋館陸機辨亡論

曰旋皇輿於夷庚

並文選五十三

然則夷庚者通謂車馬往來之

大道以其在彭城故屬之吳晉也

小爾雅曰夷通也惠氏補注三

邾宣公來朝卽位而來見也

君薨踰年嗣子卽位鄰國朝聘以吉禮受之於廟故成十

七年經書邾子纓且卒十八年邾宣公來朝傳云卽位而

來見踰年可以朝他國他國來朝亦得以吉禮受之於廟

矣雖踰年而未葬則不得朝人人來朝已亦使人受之於

廟

儀禮聘禮疏

晉侯師于台谷以救宋解台谷地闕

台谷或曰在今山西澤州府境

春秋地名攷略五

遇楚師於靡角之谷解宋地

案彭城之役晉楚遇於靡角之谷晉將遁矣用雍子謀楚

師宵潰晉降彭城而歸諸宋

本襄廿六年傳

則靡角之谷當爲近

彭城地

大事表七之二

孟獻子會于虛村解地闕

鄭氏曰宋地卽虛也

虛見桓十二年秋集傳釋義大成八

俞氏春

補釋十四